



SAKSPAPIR

Saksnr	Utval	Type	Dato
15/2020	Formannskap/plan- og økonomiutvalet	PS	19.03.2020
	Formannskap/plan- og økonomiutvalet	PS	

Sakshandsamar	Arkiv	ArkivsakID
Tore Henrik Øye	FE-242, FA-V00	19/1322

MIDLAR TIL INNKJØP AV SLEPESLÅMASKIN - VAKSDAL LANDBRUKSFOND 2019

Søkjjarar: Lars Bjarte Nesheim, gbnr. 65/4 og Magnar Nese, gbnr. 66/2

Vedlegg:

2019-11-28 - søknad vaksdal landbruksfond - magnar nese og lars bjarte nesheim - pdf

2019 - faktura - slåmaskin - kniver 1180

2019 - faktura - slåmaskin 187760

REVIDERTE VEDTEKTER VAKSDAL LANDBRUKSFOND 2017

Styret i Vaksdal landbruksfond sitt framlegg til vedtak:

I medhald av Vaksdal landbruksfond sine vedtekter § 5, jf. § 1, løyver Formannskapet/plan- og økonomiutvalet (fondsstyret) kr. 35 000,- i fondsmidler til føretaka Lars Bjarte Nesheim, gbnr. 65/4 og Magnar Nese, gbnr. 66/2 i Eksingedalen, for innkjøp av felles slepeslåmaskin.

Tilskotet gjeld for 2019, og vert betalt ut etter at føretaka har sendt inn dokumentasjon på at slepeslåmaskinen er i felles eige (samarbeidsavtale).

Formannskap/plan- og økonomiutvalet - Sak 15/2020

FPØ - Behandling:

Formannskapsmøtet vart avlyst på grunn av situasjonen knytt til korona viruset og saka vart ikkje handsama 19.03.20.

FPØ - Tilråding/Vedtak:

Saksframstilling/bakgrunn for saka:

Vaksdal landbruksfond vart oppretta i samband med Eksingedalsreguleringa/ Leirovassdraget, Myster kraftverk, med innbetaling av fondsmidlar frå BKK (jf. Kongeleg resolusjon av 25.02.1983). Fondet skal nyttast til landbruksføremål i Vaksdal kommune.

Vaksdal kommune lyse ut fondsmidlar for 2019 i Avisa Hordaland, i VP og på kommunen sine nettside, med søknadsfrist 1. desember.

I søknad av 28.11.19 søker føretaka Lars Bjarte Nesheim, gbnr. 65/4, og Magnar Nese, gbnr. 66/2 i Eksingedalen, som einaste søkjarar, om tilskot til innkjøp av felles slepeslåmaskin for bruk i jordbruksdrifta.

I følgje vedlagt faktura kosta maskina, med utstyr, kr. 188 940,- eks. mva. Det vert søkt om kr. 94 470,- i tilskot, som svarer til 50 % finansiering. Maskina vart kjøpt inn i 2019, og er teken i bruk.

Formelt grunnlag:

Forvaltinga av midlane frå landbruksfondet vert styrt av:

- Vedtekter for Vaksdal landbruksfond, sist revidert 13.11.17.
- Reglar for kommunale tilskotsordningar for landbruket, jamfør KOM-sak 25/05.

Styret for landbruksfondet, oppnemnd av kommunestyret, handsamar innkomne søknadar, og innstiller til vedtak for avgjerd i Formannskapet/plan- og økonomiutvalet (FPØ), jf. kommunen sitt delegasjonsreglement.

Vurdering og konsekvensar:

Styret for Vaksdal landbruksfond handsama den innkomne søknaden i møtet av 7. januar 2020, med følgjande til stade:

- Hallvar Helle - fast representant – politisk valt (stemmerett).
- Gaute Øvstedal - fast representant – valt av landbruksnæringa (stemmerett).
- Tore Henrik Øye - fast representant – rep. for kommunal landbruksforvalting (stemmerett).
- Arne Normann – vararepresentant – politisk valt (ikkje stemmerett).
- Lars Bjarte Nesheim - vararep. for landbruksnæringa (ikkje stemmerett) – deltok ikkje ved sakshandsaming.

I følgje vedtektene for landbruksfondet § 2 («Føremål»), skal avkastinga nyttast til å fremje landbruket i kommunen. Av § 5 punkt 2, går det fram at felles investeringar i maskinar og utstyr kan finansierast med inntil 35 % av total kostnad. Det kan ikkje gjevast tilskot til individuelle tiltak/investeringar.

Kravet i fondsvedtektene § 5, er at det må vere eller bli drift hos føretaka som søker om

tilskot, med ei omsetjing på minst kr. 30 000,- kvart år. I gjeldande tilfelle ligg søkjarane langt over dette kravet, gjennom deira mjølke- og kjøttproduksjon. I dette høvet ser vi at føretaka har trong for gode reiskap, for å medverke til ei effektiv drift av grasareala. Søknaden vert soleis vurdert å liggje innanfor fondsføremålet.

I fondsvedtekene § 6 («Forvaltning»), står det at grunnkapitalen til fondet skal vere kr. 1 800 000,-. Saldo ut over dette er frie fondsmidlar. Saldoen per 31.12.19 var kr. 1 835 933,-, som gjev kr. 35 933,- i tilgjengelege midlar. Det kjem ikkje inn årlege tilskot til fondet.

Tildeling av midlar til søkjarane vil føre til at saldoen til fondet kjem heilt ned mot grunnkapitalen. Dette gjer at det ikkje vil vere tilgjengelege fondsmidlar før den frie kapitalen er bygd opp att. Fondsstyret drøfta denne situasjonen, mellom anna ut frå låg bankrente og at fondet ikkje får tilført årleg kapital.

Fondsstyret meinte at det ikkje er særleg skilnad mellom løyving av tilskot, eller ikkje, og det var semje om å tildele det meste av dei tilgjengelege midlane til søkjarane; kr. 35 000,-. Dette utgjer 18,5 % i tilskot av totale utgifter.

Konklusjon:

Fondstyret finn at vedtektene gjev grunnlag for tildeling av tilskot til søkjarane, og går inn for løyving innanfor råma av tilgjengelege fondsmidlar.